



C7874

Ud 5368

2^o



Brud 5368 dd (1-14)

6.
LACHRYMÆ
VECTIGALES,

in luctuoso occasu

PERILLVSTRIS OLIM & ADM. RNDI DOMINI,

D. ALBERTI
LAKTANSKI,
CANONICI CATHEDRALIS
POSNANIENSIS,

Custodis in summo Beatæ M. V.
Decani Foranei, Præpositi ad S. Nicolaum &c. &c.

Viri de Ecclesia meritissimi

Et Academiae Posnaniensis Benefacto-
ris munificentissimi.

E F F V S Æ.

& ad feralem tumbam, in posthumam æterni nominis famam,
dolenti calamo

M. THOMA IAMBICKI
Philosophiæ Doctore, & in Academia Posnaniensi Pœdesos Professore,

PERSOLVT Æ.

Anno Vagientis in Fascijs Æternæ veritatis
M.D.C.L. XXIX. Die 7. Decembris.

— — — — —
Ludovicus Maurus Gryllus Imperatoris apud S. Martinum

LACHRYMÆ VECTIGALES.

Procul exeste hinc

conducti venalium Præficarum luctus,
procul facundi Oratorum latices;
Vbi fecundior plorationi, quàm Oratorum Orationi, aperitur campus.

Quippè,

*edit fucata lachrymarum lenocinia serius dolor.
neq̃ amat Præficas, erudito, simulantes, eiulatu, lessos:
præsertim, cum fortius agit in pupillam, quàm in linguam.*

Nempè

alibi jam mentiantur lachrymæ:
quia remedium exindè doloris habent, non vulnus.

Nobis certè,

inter hæc tristia, tales displicent,
cum veros & vectigales, dolor exposcit planctus:
Displicent etiam & Oratorum fontes,

Vbi

pluuio lachrymarum stillicidio stagnant oculi.

Nimirum,

*non sapit melleus Atticæ dulcor;
qui inter bellaria doloris, letheæ pocula fatalis propinat Medea.*

*Torpet sæpè numero Periclis facundia,
ubi linguam occupat mutus Orator, dolor:
& lachrymis ad cor perorat.*

Fortius enim Pericle mouent lachrymæ,
cum per laceratas mentium fibras,
ad æneas cordis columnas, feruntur.

Has ergo

Perillustis olim, & Amd: Reuerendus Dominus,

ALBERTVS

LAKTANSKI

CANONICVS POSNANIENSIS,
inter feræles cupressos, extorquet à nobis vectigales:

quibus

quibus, velut incisis ab Alcimedonte noris,
fastis æternitatis inscribatur.

Meretur hoc eius operosa virtus,

Vt, extra Parios lapides, & crustata opera,
ex lachrymis nostris, gloriosæ memoriæ illius surgat monumentum.
Merentur & Virilis sapientiæ decora,

quibus

adimmortalem posthumi nominis famam assurrexit.

Scilicet,

ætas illius, à primis vitæ vnguiculis, usq; ad occasum diei,
in hoc magnopere desudauit,
Vt nihil ageret, quod non omni encomio dignum esset.

Vnde.

illi prima ventosæ iuuentutis, cura fuit,
(in qua totius vitæ, momentum & cardo vertitur,)
Vt non per dissipatas cisternas, sed in fontibus ipsis quæreret sapientiam

Quare

Studiorum in florida ætate rudimenta Lubransciant Palladi debet,
sub cuius signo,

ceu veteranus miles, tyro militauit.

à qua postea digressus,

oculus ad fontem sapientiæ accurrit, nimirum, ad Academiam Cracouiensem,
ad quam, velut in Colchidem Iason,

aureum altioris Mineræ vellus rapturus, properauit.

Et nec inani vota sua crepuere vento.

Ita enim ibi

studia illius creuere in solidum ac exactissimum opus,
vt breui lauru Philosophicæ meruerit insigniri.

Quid ni ALBERTO

feraces Academi syluæ laurum inflectere non debuissent?

cuius pertinax, labor & Herculeæ virtus,

sæpè in stœdâ porticu, non sine triumpho & plausu,

foedissima ignorantie portenta bellauit.

Neminem quippè arcere debet, ab arce honoris, inuicta laboribus virtus.

siquidem honor virtutis alimentum & anima.

Iamq; fausto laboris remigio,

post superatas Philosophiæ symplegadas, & laurus obtentas,
ad diuinioris scientiæ arcana animum diuertit.

Suxit iam, non ex Eurippo Aristotelis, sed ex aquis Aquinaticis, pretiosos vniones:
quos

quos
in cerebri sui concha claudebat;
ut eis olim sponsa Dei Ecclesia ornaretur.
Iunxit & Diuiniore scientiæ Iurisprudentiam,
Vt in illo
postea haberet sacra Themis suum tripodem,
ex quo Oracula, ad seria iudiciorum responsa, funderentur.
Tandem
tot lustris, in literarum characteribus, consumptis,
ad diuinorem characterem animum adiecit.
Iraq;
è docta stoz porticu, ad portum tranquillioris vitæ,
nimirum Altaris se transfert.
ex Academicis lucis, in lucem inaccessibilem intendit oculos;
cum se tingendum sacro ceromate submisit.
*Tingendus enim erat diuiniori oleo,
qui oleum & operam in literis non perdidit.*
Cæterum,
factus iam Mystes Diuinus,
tam modestissimo de se sensu fuit,
ut noluerit præcipiti gradu, ad Ecclesiasticos honores currere,
ni saltum Rhodium illis præmisisset.
Primum ille ad honores minori cymbâ vehi voluit;
antequam onerarias conscenderet,
cum numero Vicariorum Ecclesiæ Cathedr: Posnaniensis se adscribi passus est,
Timuit sanè hoc in passu, nè Pyraenci,
dolo sepultam cinere, redordiretur ruinam.
qui subito ex Regia, ad Parnassi verticem progressus fuerat.
Sed
*Virtutem etiam invitam, debita sequitur gloria & honos,
& quantò quis eam premit, tantò pulchrius erumpit
velut post nubila Phæbus.*
Ecce, cum latet Mystes noster in arena Vicariorum,
traxit omnium in se oculos.
illâ intaminatâ vitæ integritate, & celestis verbi prædicatione;
quâ per Ecclesiasticos Delphos refulsit:
ut ei cederet Præpositura S. Nicolai.
in qua

quæ

qualem se, usq. ad senium diei, suo gregi exhibuit Pastorem,
clarius lymphidâ crystallo pater:
cum in sacris eius rostris mori coluit.

Sed

parum erat, hancè virtutem illius, hoc honore insigniri,
nisi, ut Apostolicus, & Peraugusti Capituli Posnaniensis
Notariatus, ei contingeret;
& inter selectissima Ecclesiæ Collegiatæ in summo B, V:capita,
Custos proclamaretur.

Egit ipsi prodromum ad hoc,
augustæ scientiarum Iurisprudentiæ aureus tripods;
qui hoc effecit, ut ei arcana Peraugusti Capituli,
ceu alteri Ephessioni à Macedone concederentur.
Multa enim ille suæ fidei commissa,
multa in perplexis negotiis Capitularibus credita,
celebriter, & non sine triumpho gessit.
quæ ego ut immensa, alto veneror silentio,
nè videar Oceano Isthmum affundere.

Hoc mihi ad præsens, in ebore paginæ huius, adnotare liceat.
Lydius animorum lapis, & nitidissima cordis Præsulei pupilla,

Illustrissimus & Rndissimus Dominus

D. STANISLAVS

in magna Witwica

WITWICKI,

EPISCOPVS POSNANIENSIS,

cum ad lanceam iudicii, irrequietos labores, & magnitudinem meritorum eius,
in Ecclesiam suam acceperit,
dignum censuit, ut inter splendidissima Ecclesiæ Cathedralis Posnaniensis
lumina & columnina,

hæc lucida meritorum Pharos, coruscarer.
ad quod, Perillustrium & Reuerendissimorum Prælatorum & Canonicorum
centuriata suffragia, & vota præiuere.

Sed cheu!

Vix dum in hac specula honoris eminere incipit,
ecce violenta fati necessitas, ut hostis & scapulus,
ad quem humane vitæ classes naufragantur,
hosce honorum eius titulos, ad sepulchrales umbras & vinas damnauit.
Causam morbi nequære;

quia

quia fractus senio, & pertinacibus curis, fatali somno concedere debuit.

O dura! & adamantina mortis saevitia!

quæ in humanis splendoribus ludit, cum eis illudit,
ut nihil eorum memoriae superfit.

Sed absit.

Virtus & sapiens animus, etiam post funera vivere debet.

Ergo viuet, nobilioreq; parte sui vitabit libitinam,

Perillustis olim & Adm: Rndus Dominus

A L B E R T V S

L A K T A N S K I,

cuius ingens animi decus, eximia virtute paratum,
æternum sibi in cordibus omnium, struxit monumentum,

Viuet illius profusa in Lubranscianam Palladem,
in oblato sibi prælo, liberalitas;

cumq; eripiet fatis, cum fastis æternæ memoriæ,
immortale nominis eius decus exarabit.

Neque pluribus allaboret calamus.

Prælum, ultimis tabulis oblatum, sit præmium æternæ beatitudinis
quam inter nostra suspiria,

**Lachrymis Vectigalibus
consignamus.**



wey

132

Plant

Hirt. Polon.
6 spec.

23

